

藏

密

齋

集

藏密齋集卷之九

嘉善魏大中孔時著

奏疏

入

再

請罷斥以安愚分疏

五月間臣嘗疏

請罷斥荷

皇上着臣供職不准求去臣小臣不敢固執其愚近者傳聞以六月二十五日聞喪於七

不奏疏

九十一

月十二日辭

朝復疏論臣不論臣受何賄賂薦引何邪人
仍指一長安共來共往之汪文言謂臣私
人文言下

詔獄煅煉兩月餘無一指實何又以之爲阱于
國中也又以攘竊吏都坐臣臣查程註出
缺之時劉弘化微以艱聞阮大鍼尚爲右
給事中其艱不報于大鍼未轉左之先而
報于既轉左之後甄淑之疏具悉乃謂臣

以待臣臣不知其解也又查大鍼之轉左以二月二十二日周士樸之開送文選以二月初三日此時大鍼尚未到

京臣垣案簿可據乃謂大鍼轉左而急推士樸何其謬也蓋天啓二年六垣之陞者七人三年陞者八人今二月間陞者僅二人資俸及期成例可援誰能尼之使弗陞者至士樸所以弗陞之故豈真介介于

聖心此其故槪所知也已而大鍼以侍養乞歸

逢人淚下挽之弗能而橐謂其嘗訟言于
朝此正橐草疏論臣之時其故橐知之臣弗
能知也以退而爲進共假之歲月之暇而
今日構以爲端欲取者姑予暫予之一夕
之官而明日坐以爲罪表裏關通呼吸霜
露臣旣嫉惡惡人亦復嫉臣恐不能竭犬
馬以事

皇上

皇上幸卽罷臣與天下仁賢共致太平臣願爲

太平之民若傳擿者姑不窮其所自出而欲自掩者獨兄事一東廠之廝養而不父其父人理漸滅已盡臣不與之難也

天啓四年七月十九日

二十二日奉

聖旨已有屢旨了何又瑣瑣奏辯着照舊供職該部知道

特糾餽遺縣官以肅

計典疏

頃臣以

大計在邇條列事款首禁餽遺業經部院議覆
奉

旨力行申飭矣臣今早出門赴科辦事有二人
持稟跪于馬首臣啓其緘則直隸鳳陽府
壽州霍丘縣知縣鄭延祚一啓一稟一狀
狀具代儀六十兩臣不勝駭愕當將延祚

所遣家人鄭貴鄭明併書儀發西城兵馬
司指揮陳士英収管訖夫延祚所餽必不
止臣一人自六十兩而上及六十兩而下
必不止此一緘夫孰非霍丘之民脂民膏
而如此其用之也苞苴及門臣甚恥之奉
旨力行當自臣始伏乞

敕下法司將鄭貴鄭明研究所攜餽物一一追
納太倉就數多寡抵霍丘縣天啓四年分
正項錢糧或抵逋餉加派其知縣鄭延祚

乞

敕都察院行該地方撫按提問依律處分庶官
刑知警民生少瘳

天啓四年七月三十日

初三日奉

聖旨該科首發私餽具見公嚴鄭延祚着撫按
官提了問差人着法司研審該部知道

恭謝

天恩疏

七月二十九日伏蒙

皇上以

聖躬偶爾違和

召臣大中臣化中隨英國公張惟賢大學士韓
爌朱國禎顧秉謙朱延禧魏廣微六部尚
書趙南星李宗延林堯俞趙彥喬允升陳
長祚諸臣後同至

乾清宮恭承

聖諭三十日復承

聖恩頒賜臣大中臣化中燒割各鶩四隻雞八
隻猪肉二十五斤白糖二斤十四兩香油
九斤白麵二十七斤酒五瓶臣等各于私
寓恭設香案叩頭祇領訖臣等不勝感戴
竊以入覲

天顏未卽安于退食

寵頒法膳謹正席以先嘗平生但采芹而甘今

日無索米之苦

餘膏于僚友傳盛事于子孫無以報

恩惟知盡節矢苦口而逆

耳一飯不忘願

寡慾以

清心勿藥有喜

天啓四年八月初一日

初四日奉

聖旨知道了本內英國錯寫定字着改正行談

邵知道

信憑限以董治功疏

竊惟

國家設官有一官則有一官之事迺人情好
競兼復好偷無所事事之京堂有不俟憑
而赴任者若遷補司道則多方其說求寬
求改臣科不改改之吏部所以啓事有官
蒞事無官官日尊臚事多叢脞也欲以興
事必先課官欲以課官必先勒限臣等一
一陳之而

皇上垂擇焉一申職掌凡官員赴任文憑俱係
臣科定限如在京患病及在外因公事稽
遲者具奏具狀到部送科定改發行

會典可據今後領憑官有萬不得已告改憑
限者乞

敕該部遵

制送科叅酌無致政體不一將來繳報時日差
謫無從查對一嚴稽覈凡大選急選日行
推陞各官其中方面府佐州縣正官皆關

係喫緊不可久缺臣科于定限之日一一
發抄使缺官地方可以計日而待臣科另
立抄憑簿一扇書某月某日某處某官某
人限于某年月日到任虛前件于後候各
布政司及直隸各府繳報憑限登註于下
考滿陞遷據此查覈其有違限過久繳報
失期及非有長才異能要地急借俸未及
格躡等陞遷者容臣科一一叅奏一酌事
宜凡陞遷各官諸在籍併在京不係領

敕官悉照原定日期註限外獨京官外擢嘗有
部憑已發候

敕尚遲者本官應于謝

恩之日赴臣科知會准將文憑暫扣待領

敕日再行知會方與定限又如外官聞報簿書

錢穀料埋交盤謁辭上司不無擔閣斟酌

緩急量與從寬則乞改紛紛均屬可省

國體人情庶幾兩便一親交代

會典一欸凡各處領

敕方面官員撫按官不許輒放離任違者本科
叅奏頃延綏巡撫翟鳳翀疏乞推陞邊道
俱要嚴限到任見面交代新者既到地方
舊者始許離任慎重封守脩明憲令莫亟
于此今後奉

敕官員臣科定限悉照原程不敢假借其新舊
交代乞著爲令庶不至占虛銜而尠實政
當官則曠日到任卽訴苦營陞則又論資
未幾而又已去任也一量陞轉大凡官久

于其地者其事習其責有所不得委故就
近陞遷亦猶久任之遺意今陞一官補一
官前之陞者保留後之補者又改改而又
不可必也何如卽于本省陞遷可以免此
多事乎如本省無缺俸已及期卽就本任
加銜未爲不可不然推陞一憑補官一憑
題畱一憑前所補官又更一憑日啓事日發
憑究竟止此一官非政體也臣等辦事該
科看詳章奏按日限憑獨司道之紛紛滋

甚夫不實課今日之司道而欲今日之吏
察而民安不可得也司道處撫按郡邑之
間課司道者所以重司道也伏乞

敕部議覆施行

天啓四年八月十一日

十四日奉

聖旨該部卽與議覆

合詞恭懇

聖斷立誅遼左失事諸臣以自爲

社稷計疏

爲刑垣具草

臣等竊惟自有遼禍以來民間之髓血

內帑之金錢文武將吏士女軍民之肝腦

祖宗之金甌敲剝塗膏傷殘缺陷無不疾首痛

心者夫疾首痛心于遼禍卽無不疾首痛

心于禍遼之人而首禍者誰李維翰也李

永芳叛撫順陷張承胤之全軍沒無可赦

之辟也起楊鎬以經畧而清河陷會安之
陷不以

開四路出師底李如栢仇杜松名將銳師淪沒
殆盡已又聽周永春鄭之范散兵分牧卒
陷開原無可赦之辟也其辟殆浮于維翰
也遼瀋之陷袁應泰張銓以身殉之河西
之敗奴騎未薄廣寧而王化貞棄廣寧而
西熊廷弼自閭陽與並馬而俱西驅居民
燔烈士委棄兵革輜重及民間之藏不可

勝計而數百里封疆委之甌脫無可救之
辟也廷弼化貞之辟不亞于鎬也高出胡
嘉棟者檄之援遼陽則迺檄之援廣寧則
又迺天下未有一迺再迺而復可迺于辟
者且是二臣者固迺臣之倡也邇樞輔遠
累臣一疏誠不知其何心

皇上爲封疆深念本欲大肅軍紀特以樞輔情
辭懇惻姑待楊鎬熊廷弼王化貞等以不
死不死非法也以樞輔故姑待以不死知

非

皇上之心也昨諸臣

朝審不在矜疑之列均註候

旨亦足以見其情真而無可原矣樞輔在用兵之際或者假此以別神其鼓舞然熊廷弼之再出也

中朝不驕子奉之高出胡嘉棟欲赦則聽其赦欲用則又聽其用乎其效何如也有賞而無罰雖聖王不能治天下爲今之計

宜卽修諸纍臣以示失事于封疆者殺無赦不得覲異日之蕩平以倖脫庶文武將吏亾地圖存死地圖生然後臨事而懼好謀而成不以

皇上之封疆倏倖耳若法不必行心存幾幸進或輕于一試退有不忍言者不可不爲封疆深念也

皇上之封疆重斯臣察之情面輕

朝廷之紀法嚴斯臣子之功名顯河東之失

不秦疏

九之十四

人臣尚知有死城死綏之義自高出胡嘉棟迺熊廷弼王化貞用其迺因與俱迺而
死事僅高邦佐一人武功士氣蕩焉如掃
安可更襲其故而不爲紀法封疆一重圖
之也臣等恭繹

明旨謂南北用兵軍紀宜肅不得不爲封疆深
念念封疆肅軍紀無如一旦赫怒縛楊鎬
熊廷弼王化貞李維翰高出胡嘉棟李如
楨達奇勲竇承武等僇于市若待楊鎬等

以不灰亦無以服李如楨等之心且

呈上奉

社稷以從樞輔圖外之事一以聽之若

中朝生殺予奪黜陟是非太阿自握廷論自
叅不當復以此分樞輔之念令樞輔一意
圖奴毋令天下若鉅若細耽耽而未遂者
胥走關門如驚也

天啓四年九月十九日

二十二日奉

不奏疏

力之十五

聖旨輔臣原奏自明已有旨了該部知道

特表晉撫之生平以祈

聖鑒疏

頃晉撫之缺人思得晉而撫之晉思得人而撫之紛如也臣靜而觀冢宰之且用何人則越衆人憧憧之思而以謝應祥

請應祥固絕無意于晉撫者也幸世道者方謂可以少砥講捨之風而御史陳九疇之議彈至矣慮其爲晉撫不效也或者未悉應祥之生平耳應祥起家縣令令臣邑飲臣

邑勺水而已邑以里徭貧富不均爲苦應
祥乘編審之時做古限田之意勘均甲之
法垂百世之澤而不旬日而定繩豪奪者
必以法雖情與勢不少執其爲令名縣令
也入而司銓侃侃自將不通人間絲粟饒
遺與今兵部侍郎張鳳翔共事鳳翔悉之
其爲銓名銓也進而爲卿寺不卽出勉爲
一出不逐逐公卿臺省間自通自熟如世
人而事理是非人物臧否鑒鑒不爲詭隨

其爲卿寺名卿寺也然則應祥之爲令爲
銓爲卿寺旣效矣而慮其爲撫不效乎抑
何不追其不效而後糾之而豫折之于未
任之先也臺臣謂聞之長安士紳之相與
吁嗟歎息者得無世之講搶者代爲講搶
者憧憧之思尚有未降騰茲口說而適爲
其所中歟應祥之品如危峯孤幹亭亭直
上百尺無枝用之爲

朝廷持風紀司是非譁不能撓旣不能誦必有

當焉者今卽爾奉到任之

旨其介宜不可移伏乞

皇上警予之歸以全其鑲金璞玉之貞旋許

召還以竟其砥柱迴瀾之用并爲言者解焚琴

煮鶴之誚其鄰于講捨者繫置勿用以息

蹊田奪牛之疑世風幸甚

天啓四年九月二十七日

三十日奉

聖旨謝應祥着赴任已有旨了該部知道

直糾無禮閣臣仰候

聖裁疏

昨孟冬之朔有事于

太廟

皇上冕而升百執事咸集獨閣臣魏廣微不至
迨飲福受胙禮且告畢始奔突踉蹌入班
拜跪明駭聽睹陰貽怨恫夫從古帝王致
祀其祖考非獨以一人孝一人敬必萃萬
國之歡心合孝合敬以事其先故武王之

祭文王其頌曰有來雍雍至止肅肅相維
辟公天子穆穆成王營雒而祭文王其頌
曰於穆清廟肅肅顯相濟濟多士秉文之
德對越在天駿奔走在廟皆言相祀者之
肅肅雖雖執事有恪也

宗廟之禮所以序事所以辨賢若廣微者宜何
處焉且

皇上卽以是日之卯

升殿頒來歲之曆于臣下行之四方萬國九夷

八蠻誰不頽首奉

命其矯命雄行者獨建奴奢安耳廣徵執政近
臣何以驚焉不拜

皇上之正朔也昔子貢欲去一告朔之羊孔子
猶愛其禮況

天威不遠咫尺乎語曰爲人臣子見無禮于君
者如鷹鷂之逐鳥雀今廣徵者

皇上于一日之中行二大禮而頒朔則不至

享

廟則後至其無禮于

皇上也亦已甚矣臣等言官也又與陪祀之列
不敢不陳相鼠之刺

皇上以禮治天下其無禮如廣微者恐不宜使
爲執政居百僚之上伏惟

聖明裁察

天啓四年十月初二日

初五日奉

聖旨輔臣連揭陳奏甚明已有旨了該部知道

敬剖臺臣失實之言以祈

聖鑒疏

臣竊痛仕路之競至今日而成習抑且成性惟其性成也講搶者代爲講搶者訟言之而不以爲恥不得志則怒于色怒于言多方其途以伸苞苴竿牘之權于公道之上臣耻之臣竽濫吏垣未始不孳孳于天下之人物而矢必不爲代爲講搶之人其論官論人有與銓部相關者聽銓部舉之

而臣出其真見真聞者可之否之如是而已
頃晉撫之推先一日銓臣夏嘉遇過臣
述冢宰之意謂奉常謝應祥賢絕口不及
陞遷亦無一人爲應祥及陞遷者宜莫如
應祥應祥出撫貪吏其望風解綬乎明日
遂用之尋領

敕之晉矣而臺臣陳九疇譏其昏耄也再疏嘲
爲陳仲子而又誣其大費圖謀也夫天下
有大費圖謀之陳仲子歟方掩口而伺其

一盤托出者何如則謂應祥謀之臣臣商之嘉遇嘉遇得之冢宰信如九疇言陳仲子之圖謀如斯而已乎未見其大費也甚矣九疇之不知應祥也應祥令臣邑于臣誠有一日之雅臣非爲不知應祥者顧應祥實未嘗一語及晉撫非但不及晉撫也亦不及他官臣亦未嘗向冢宰向嘉遇言應祥之當爲晉撫設以應祥之生平而對臣微有營營之色臣且意輕之卽冢宰欲

用之臣當沮之矣人臣未有一榮進之不能忘而可以言臣品望其畢慮于公家者也然則九疇非但不知應祥也併不知臣誰誤九疇爲此言也臣忝長史垣一切爲官擇人舉親舉讐皆臣職掌所得言但臣生平不輕舉人卽應祥晉撫之議實不先發自臣告

皇上不敢不以情也抑九疇一疏再疏三揭俱不及臣且謂一盤托出所傷滋多乃一月

兩疏突焉加臣斷斷如也而嘉遇之外僅
臣一人說者謂臣近日出語過戇怒者方
思有所假言者遂若有所憑如果不出識
者所窺九疇此一言君子又以爲不智也
伏惟

聖明垂鑒

天啓四年十月初六日

初九日奉

聖旨既有旨看議不必煩陳談邵知道

藏密齋集卷之九

終

詩舛自序

予六歲爲詩。非詩也。十七歲爲詩。詩日多。非詩也。乙未丙申間。繩墨于制義。而肆意于詩。詩學杜子美。有足觀者。是後詩不時爲。然成帙矣。壬寅冬。爲文偷盡竊以去。是後詩復不時爲。爲輒數十篇。自喻已意而已。無所摹則。或軼去。或匿篋中。其畱篋中者。丙辰京邸從母錢家貸二十五金。置于篋。爲偷兒所窺竊以去。時義雜著詩冊盡焚之。弃其篋。通衢隱處。人每好言數十百

沈氏詩集

詩集卷之四
沈氏詩集

沈氏詩集

年以來消沉之變。予一身俯仰如旦暮而兩墮
偷兒之劫如斯矣。近復不時爲詩。爲復輒數十
篇。非詩也。固無存者。宜亦不足存。而似俚似偈
者。常往來于懷。予受逮後數日。海虞瞿起田氏
缺。予癸丑所爲桐字韻詩。安知世無有心如起
田者。予邑吳仲圭詩多軼。當予世。得予詩數十
篇。成帙。非詩。固軼詩也。預爲詩艸序。乙丑夏五
廿有七日。書于臨城道中。

藏密齋集詩目

乙丑夏五二十日宿睢陽雷雨徹宵砌
寒俱仆曉霽葵起有翹然向日之意感而賦此

乙丑夏五二十五日宿奉聖禪院用辛酉舊題韻

辛酉春仲還朝寓宿奉聖院見銀杏樹大可五六圍輪囷扶疎寺僧已不知其時代所植爲低回久之惜其未離乎風

塵牛馬也感而自況

姚孟長以文于二祠詩見投感而有賦

簡姚孟長

出都畱別耿樸公

畱別賈孔瀾

吁嗟篇

三首

漂母祠

偶得

惜別

六首

乙卯五日泊夏鎮

四首

五日憶濂兒

壁立齋歌

對鑪

寄題胡光六荷亭

廷試退 朝感事

戴大圓先生席上賦佛手柑分多字

送瞿起田還海虞兼呈魏仲雪

壽李母八十

泰山

出都和陶四首之一

紀別

良鄉縣

閱報

失題

茅簷小詠

六首

偕鹿伯順訪鍾元先生

再過江村信宿

出都畱別諸君子

登祝融峰志喜

阻雨上封有述

觀音巖次念菴先生韻

宣風和陽朔先生韻

獨不見

送錢康侯之大名

烏夜啼

早起

十里之外

中夜歌

示內

送祝元美師北上

和韻荅友

二首

送沈仲容師北上

追贈戴養晦

客有言邑田於他邑爲最瘠者戲荅

懷仲容先生

二首

今離別

古離別

雪 二首

九日臥病却憶館中手培菊

淚盡

戴元爾過館中

春四日新霽經伍子塘

石門道中感事

秋日元爾見過書懷

登胥山

自笑

息遊

酬歸父

可惱

舉目

老親圖

落地舟中

登樓

曹生見過援不可止病中無聊作此送之

次桐陰閣韻

十四首

感懷

送友人

和卜子由韻

陳無功垂訪不值更辱施饌見枉口占志

謝時無功有嶺南之行再占以贈

次韻避客

淨兒能詩却賦

和贈周仲純

送曹拙逸入山

藏密齋集卷之十

嘉善魏大中孔時著

詩

乙丑夏五二十日宿睢陽雷雨徹宵砌葵
俱仆曉霽葵起有翹然向日之意感而

賦此

祇此生來一寸丹風風雨雨恁催殘傾心不信
天長夜霽曉團團仔細看

乙丑夏五二十五日宿奉聖禪院用辛酉

舊題韻

題墨當年愧碧紗重過今日鬢生華天心如此
人誰料臣罪伊何願敢奢果不鑒臨惟有死縱
然歸去已無家能垂勺露寬於海好好朝霞與
暮霞

辛酉春仲還

朝寓宿奉聖院見銀杏樹

大可五六圍輪囷扶疎寺僧已不知其
時代所植爲低回久之惜其未離乎風
塵牛馬也感而自況

古驛西頭寺停軒感物華靈根何日長老意着
天奢笑客來乘舟招僧與住家溪山又淡處知
爾更煙霞

姚孟長以文于二祠詩見投感而有賦

年來蹤跡愧簪冠握手西風爲一彈正以憂時
圖灑血那堪弔古頌畱丹聞關海陸徵求急咫
尺雲霄伏謁難朝列異同何日定愴懷不獨是

三韓

簡姚孟長

落落窮年鬢髮新
嚶嚶鳴鳥又逢春
慙無道韻能游世
幸傍時名好問人
正氣只今誰領袖
偏才應許荷陶甄
乾坤知有匡扶手
自抱漁竿慙隱淪

出都畱別耿樸公

每從樸公及仕進
予淡以靜拙二字自
盟樸公云天下亦儘有不得已之良心
沒奈何之天理故寓意爾爾

吾本難畱者從君幾度畱情於淡處入機每謔

中投任俗窺名字無媒導蹇脩升沉何不可茲
意欲千秋

畱別賈孔瀾

鹿伯順以借金花鐫秩歸臥江村念之
不置道出定興將就訪焉孔瀾其姻家
也故及

袞袞紅塵裏逢君獨古心交慵歲道合官冷得
幾沉楚國浮查遠江村臥雪深不堪當此隔乘
興欲招尋

吁嗟篇

吁嗟龍戰野瞥見玄黃血眼原失太清心原失
太熱祇應細切磋如何大分別靜以俟其定羣
庸聽操切公以持其平勿護墮餽缺庶幾息紛
翳匪以廢懲噎庶幾獲所安僵臥溪山雪

其二

茲局古未睹曷繇曙茲惑匪天復匪田闕入畱

中牖

亭歷切

公路美無度踟躕仰鼻息鳳皇千仞

翔猶然恣影織斷斷伐其異怒力恐不克後來

營其身兢兢乘風翼敗着作羸陣天運果難測
其三

作者必有意萬物失名實履且以加冠蟾蜍恣
薄蝕家翁好聲啞闕闕入暗室失之暗室中側
足舉莫必從茲鹿爲馬尚爭鳧與乙僧孺合節
痛痛哭那可述

漂母祠

偶然一飯在塵埃誤却千年過客來滿地江湖
尋漂母王孫如此更堪哀

偶得

浩浩一氣中彼此無表裏如人異溫涼此便是
病爾

惜別

汴兒別去前後得詩六首總題之惜別

云

小舸乘潮下令人去卻忙今宵何處泊
丹陽

其二

別嫌船去疾歸嫌船去遲遙知當此際管費幾
篇詩

其三

拍天江色昏陡作雷風吼歸舟出晉陵得如瓜
步否

其四

柴門知倚遍到日喜那悲莫道長離別尋常赴
館時

其五

住旣不可得挂帆便前去無庸對溪山忽忽思
兒女

其六

莫嘆身爲客爲客得長醉莫嘆家無主無主家
無事

乙卯五日泊夏鎮

水驛驅舟澁今朝未可行榴花知節候艾氣動
鄉情身以爲儒賤緣從在客輕非關同調少強
作不知名

其二

出門原艸艸却泮海漚行風土同時序泥塗異
物情書傭毛穎充酒債杖頭輕祇爲函關吏勞
勞問姓名

其三

偶爾撩詩緒悽然客裏行家人當此日誰更獨
含情市舶冰魚急兒童艾虎輕明年知共否慚
愧再埋名

其四

誰能邀必得逐隊且行行物以經春老人傷過
午情藥收諸毒盡命入五絲輕敢爲儒冠悞辛
勤只事名

五日憶濂兒

阿姊西樓上絲符繫石榴忽然應問我何日大

刀頭

濂讀唐詩持此語求解越數日
泖兒如館廉舉此語爲問故及

壁立齋歌

酌酒勸君君開懷聽我歌君壁立齋男兒志氣
會有極壁立不立休偏側吾無四壁賃人住晦

明風雨雜雲霧主人其中弄兩丸周游太極環
無端吁嗟兒女七筋絲東啼西號驅出門長途
奔走事衣食自論夙昔非所存旋已作書報妻
子前途溝壑朝朝是丈夫此語非不祥殷勤自
護生晶光病婦小瘥且續緝大兒負薪小摺拾
拂天雙袖長風吹歸乎未歸難與期歸來解棠
出乾肺四壁笑人羞欲死君齋壁立無安拚
酒勸君君開懷

對鏡

忽於清鏡裏卻訝子爲誰鬚漸黃於髮頭看白
到看明經隨旅食學道失游騎不信機中婦長
貧尚可爲

寄題胡光六荷亭

歸來亭榭學西湖

胡嘗歸
杭州

沙清林塘次第鋪十

里荷花開釣檻幾人騷服對吟壺眠見浴鷺紛
相狎雨蕊風枝媚欲扶珍重葛巾涼夜永春證
清影月明孤

廷試退

朝感事

屯田策罷下彤墀柳煖花晴正午時 北闕舉

頭天穆穆西山當面日遲遲龍驚無首疑難定

會榜 人有同心未可知欲倩春風領芳訊殷勤

無元 蘭谷爲噓吹

戴大圓先生席上賦佛手柑分多字

現佛千手相還分佛性麼果從因地結種析幻
身多儼似花拈教誰將頂受摩微微通指點顙
顙是禪那

送瞿起田還海虞兼呈魏仲雪

此身歸未得歸人何蹢蹢七月送仲雪九月送
起田一路秋柳中舞葉相便娟及家稻新熟蟹
肥螯如奉親故了逢迎仲雪來周旋汎檻今日
事上下古人編局倒無一成方寸爲之權而我
亦何爲蹢蹢徒自憐滯此會須歸歸意未可傳

壽李母八十

李郎別子徵子詩阿母爲父兼爲師及家拜母
母入裘欲踰進之青霞卮鶴髮醅顏金鳳翹膝
前爛綵紛飄緇戚屬翁姥爭歎息熊丸荻畫還

今朝阿母停觴微啓齒兒所當爲未止此東家
有子餘栢園西家有子無甘旨安得壽域開八
荒兒行持以獻 天子

泰山

大塊擘巨靈屹然天之東茲來罄風慕造化真
奇雄一步一停矚千變相逢迴馬轉黃峴雨
雪如霏氈風吼衆壑動奔噬驅羣龍新盤上百
仞舉膝槌其胸天昏磴道滑努力還沐衷藉茅
暫一憩翹首扶桑紅駉駉霽色賒末繇展瞳矐

躡冰尋絕頂冥焉與天通雲霧滃且鬱播物施
神功身在最高處乃入混沌中千紅與萬紫一
氣歸鴻濛意者茲山靈隱然牖其蒙不在覽萬
衆還當游無窮虞巡揆孔登此脈將無同

出都和陶四首之一

西山白日墮馬首孤雲飛一步一迴顧惻然有
餘悲住此徒碌碌去此徒依依去住兩無爲篤
言願將歸時乎不再來甚矣吾其衰初心日云
負世路日云違

紀別

十九日二十有一日孟長兩過話別值
座客不一諸譴相酬旣而悔甚明日十
方院報國寺且止且行不能爲別別而
紀此

悔以難別意都成譴浪過忍將形混俗翻使舌
生魔

良鄉縣

彰義門西路桑乾古渡分長羈乘傳馬不斷出

關軍沙白迷荒戍城黃壓莫雲車牛徵到骨募
派底紛紛

閱報

適有奴酋離寨倡關之報火藥盡焚軍
民牛馬城垣樓堞官民廬舍一時焦爛
長勝倚硝黃間關出上方雷轟過地坼風捲火
雲狂揮羽新傳箭驚魂舊裏瘡莫辭是天意好
細滿遼陽

失題

歸來江村居人閒意俱廣雖無稻粱謀差足供
俯仰時扶古人祕欣欣稱心賞春風播柔和秋
風薦新爽此際與何人翩翩互還往

茅簷小詠

借得茅簷住低低不埽除星寒知怯鼠春漲欲
通魚一徑野籬密半牆秋艸疎雨餘添蘚暈
曲作蟲書

其二

柴扉開水岸趁隙泚階除雲氣驚危葉人聲雜

賣魚瞰簷天勢仄訪夢月痕疎忽得無題句呼
兒且快書

其二

家居黃葉市譜出好庭除冷憐霜月厨清斷
蟹魚圖書天技癢影謎我頑疎彷彿簞瓢意殊
慚未讀書

其四

居于便處得習有熟難除會約爲藏爾相攔止
釣魚雲光到地澹風物着人疎何必名山勝多

應不著書

其五

率爾茅簷任悠然歲五除午階消戰蟻晴盎數
游魚人在閒中妙交於契處疎已知無一事頭
白只備書

其六

安樂自有窩朝川頰破除隣雞分菜甲芸氣臥
鐔魚人靜鳥聲悅月明林影疎此時如有會恍
亦欲費書

卷八
精鹿伯順訪鍾元先生

平生園谷間神州志聚越云在北城北不勝意
勃率竝轡獲良儔一舍奄超忽登堂列玉昆藹
然對清機久儲易州酒佐之以餽杖履情不自
持後先徵誼發何必慕古人俛仰亦恍惚遙村
綠作園中天寫明月

再過江村信宿

良晤甫云遂別亦從茲始脈脈不可道王人尚
延企漉滯園中廬從容布筵几拾磔開三徑垣

築故時圮花藥當庭午風日具暄美物物各得
所在人安置爾北山獻遙秀東圃足菊杞以我
抱甕心欲轉轆轤水忠愍墳嶢嶢前望溝市里
千古曾何人於斯言及此

出都留別諸君子

豈有書生面難將藉似酡遮藏圖學繭引閉提
爲螺亦念君恩重其如物態何安危君等在余
意已烟蘿

登祝融峰志喜

詩

穿雲緣艸樹六月登高寒幸爾逢開霽峯峯到
眼看

阻雨上封有述

萬壑千巖幾寺門上封西叩祝融君江連楚阜
星河落峯簇芙蓉火德分游竝真人曾霽雪到
僻遷客爲開雲慚余聽雨衡山頂風穴雷池併
作畧

觀音巖次念菴先生韻

青玉壇前枕雨眠會僊橋上更茫然乞修枯竹

時燃火駐我孤筇且聽泉葛袂籠雲渾欲濕
屨漬雨不禁穿山靈若靳重來約耐可歸樵夕
照邊

宣風和陽明先生韻

澗雨潺潺洗石痕合流清泚未全渾
估船漸遠溪頭市宦轍猶來原上村
拂壁看題闌白雲
泉淡坐靜黃昏年來奔走空華髮
忍更悠悠不
愴魂

獨不見

秀水陶匏鳳皇靈氣尋遂天塲獨不反
見余亡幸也嘗有詩云亦道清年難遇
世不堪白面向時人又詩啼歎夕陽何
處鳥身藏數樹幾時人每每讀之神飛
若映見其看字

同時相失美人家僊骨遙知映赤霞佳句到今
嗟未了一天秋思亂兼葭

送錢康侯之大名

弱子慮失乳置牧滿赤縣官方嚮刈敵京洛看

面面羨腰脩赫曉美服交衤衤三年紆墨綬多
角我我現大吏降威稜小吏恣吞嚙乳虎紛紛
橫血肉飛片片人命日趨感官階日趨轉十在
七而然念茲淚如霰君才駛如瀑君眸炯如電
茲行良不易居倡乘風便躊躇入肯綮推心置
時彥涅令愧自蠲白令好自選得幾同心人宿
蚤去如箭大利天不言物物欣自見休衙俛次
公頡鬣探應偏次第箋竹書千古呈光綯一酌
晚香亭如何擬催宴

烏夜啼

中夜回北風烏啼枯樹枝刺刺破骨節酸苦不自持
毛羽未長成所得凍與飢烏母吞聲啄烏子主人睡覺女欲死

早起

多愁偏起早人寂亂鳴雞傲樹撐霜瘦癡雲壓屋低
烟辭朝寒雨冰拆夜臺泥幾日舖餅果眠牛得水西

十里之外

十里之外紀岵也獨子喪父老母尸饗
其口可餬其心難槁終天各天爰以申
恨焉

違言十里絳聲在耳我之懷

叶回怪反

矣十里之外

矣

匪緯伊戶願言則拊不見其子不見其父
房則有氏牆則有規載瞻四方誰無兄弟
彼薤之雨可以美土我獨匪民誰無父母

中夜歌

不詩

三春雨雪天蒼唐詰屈徑路河無方翩翩汎泊
隨稻梁形顏聲氣飢相將中憂迷煩方夜央輪
環所欲莫自量俯仰安息失故常不能迴身倚
寒牀翔佯出門起四望四邊古墓陰莽蒼壽命
蹶迫誰能久長一家生死長道傍游子歸來無
故鄉斯須鳴雞淚霑裳

示內

有舍層雲北無書到雪中一家離別盡貳室禮
儀空貧逐人爲客愁看影欲翁老親綿絮薄偏

是半春風

送祝元美師北上

指點春明上馬鞭
到時新艸萬人傳
漢宮飛燕方承寵
莫賦長門問酒錢

和韻荅爰

讀罷來箋祇汗顏
漫畱風格在人間
幾將快艇帆千里
每閣低沙水一灣
埽軌自同蟬翼
疲傳經仍伴蝨魚
還飛騰異日須君等
老我茅簷只閉關

其二

乾坤何處好開顏
不是山間是水間
巖洞翠微溪半榻
蘆花明月隱千灣
妻孥未得攜同去
雞犬猶然共往還
好醜兩忘從此鍊
敢辭綿力憚閒關

其三

如啞如聾與笑顏
出人間是入人間
展開展盡平平地
收拾絲竿淺淺灣
路徑面前寬較窄
浮雲眼界去從還
悠然桂馥醒詩憤
何處天風大

放關

送沈仲容師北上

聞說烽烟照海青中原無處不談兵
君王夜半應前席莫似終生浪請纓

追贈戴養晦

余生不及識養晦公也得與原邇交則
原邇大人敬甫先生言其王父養晦公
云徐出宦楚時所知朱石北贈詩暨近
日諸君子和作索和賦此

宦跡天涯楚水秋故人江上幾登樓
風塵曼倩能容傲落得千年賦遠遊

客有言邑田於他邑爲最瘠者戲荅

瘠土雖然落水涯也堪種林學陶家
釀他日東平酒醉殺河陽一縣花

懷仲容先生

時先生應詔同馮驩北上

萬里中原策紫騮鞭梢秋色掠神州
知名近日都年少片刺懷中仔細投

其二

何日歸來說勝游春光新綠御溝頭相逢茂叔
今司馬風月看君領盡不

今離別

寸心不願會有會先有離會面不成懽忙訴長
相思

古離別

郎君有遠行遮莫天涯隔男兒事萬千妾理當
瓦擲

雪

長天風颯颯大地雪漫漫客裏人輕別親邊永
重寒

其二

萬里羈人遠三春雪片隕
斷猿雲外咽風雪欲
歸來

九日臥病却憶館中手培菊

病已早歸來齊宜長綠苔
黃花應問我今日未
須開

淚盡

淚盡不歸去，慈親近若何。
風塵遊子鬢，霜雪故園蘿。
凍井牽銀汲，寒牀度夜哦。
白頭無一婢，春杵伴機梭。

戴元爾過館中

命駕勞知已，傭書寄客窩。
文章疑有怪，稜角若爲魔。
好事紅顏歇，依人白面過。
不堪隨笑罵，行路政風波。

春四日新霽經伍子塘

節物驚今日，江山感昔朝。
莎晴春自碧，風煖浪

還驕雨雪長年積
烟花故苑消英雄
千古恨倚棹欲無聊

石門道中感事

扶策傍清秋
關河暑未收
輕帆偏睨樹
怪岬故欺舟
屬國傳烽火
兵家借筭籌
終生需寸組
長繫左賢頭

秋日元爾見過書懷

秋來工伏枕
四壁未須愁
名合長貧落
交應久病休
只君看二仲
知我業千秋
明月懷中在
逢

人未肯投

登胥山

孤邨水落暮潮低春盡青山屐滿萸埜鹿自逢
烟艸外松濤斜引海雲西乾坤此日憐杯酒吳
越當年入鼓鼙扶目到今懸積恨詩成小字不
須題

自笑

自笑畏譏也有無可奈何而安之意焉
自笑迂疎嬾不成惹將沙口影常腥幾番見說

頭堪白何處相逢眼有青只合此生供世詎那
能到死悔吾醒楊花慣解漫天起水自泠泠花
自泮

息遊

一夜秋聲萬木寒乾坤何處足彈冠時名盡向
黃金起世事都堪白眼看已自故人嗟落魄更
誰同病問加餐風塵伏枕衡門穩行人于今轉
覺難

酬歸父

中以畸世噴有煩寃匪罵亦笑十人而
九既貧且病揣分宜然蒙歸父投之佳
句白余素心詞賦之科謬期司馬遂有
此作

身以詩名賤信信未可聽此心誰許素君眼却
爲青雨雪憐同病江湖間獨醒清時無狗監章
句說明經

可惱

年年冬可惱冬日復今年履敝妻仍拙衣穿兒

故牽爨烟籠眼黑汲雪向人顛昨夜膏先燼今
單又促眠

舉目

行行悲去向舉目但飄蕭春雁停雲落江城半
雪消有家驚夢寐無計失軍瓢負米誰千里尸
養又幾朝

老親圃

老親營寸圃筋力未全勝抱水瓶餘半封根土
細增支棚低架竹引蔓短牽繩却喜還相勞兒

應捧檄曾

落地舟中

不謂窮無賴春江濕處行水浮雲影亂船怯艣
聲停凍雨篷檣重酸風衣帶輕今宵慈母淚憶
子短長更

登樓

攜尊鼓棹散輕游逐伴來登湖上樓石壁傍人
窺醉醒浪花催鳥試沉浮已拚埽筆酬青眼肯
爲遘才政黑頭多難老親哀病後鍼尖無力補

貂裘

曹生見過援不可止病中無聊作此送之
留君不可住且復送君行寂寥楊子渡
手板橋情文知諸父在酒願快人傾
留君不可住于古媿冰清

次桐陰閣韻

誰招驥子集新桐分韻闕題趁雅風
漠漠無垠天浩蕩超超不着我瓊瓏
淡交底事同聲氣避俗何嫌異始終
寂莫子雲無一事玄經千古讓

渠工

其二

從來人喜賦疎桐
細雨微雲別樣風
此日陣圖翻局面
幾家關竅忒玲瓏
拜爲上將看成敗
出得重圍見始終
我已無心逢世難
人機露處賴天工

其三

朝朝育雨打梧桐
別院芙蓉陣陣風
贏得形骸渾出木
輪他着數鬪玲瓏
諸君莫漫看花去
一

綫爭差落艸終意氣未曾分理欲幸於此處再
精工

其四

堯夫愛月上梧桐月上梧桐楊柳風此處未曾
經斧鑿箇中原各自瓊瓏只應靜獨觀無始豈
必朋從訂有終最是楚人多難後傷心人說回
眉上

其五

茅簷春碧淨新桐細雨輕陰澹澹風漸狎雞豚

仙伴侶不隨鸚鵡賦璿瓏虎頭虎尾撩生死落
落花開報始終圖得華山傳睡法儘渠極態與
窮工

其六

一池艸樹夾清桐天籟分成幾樣風吹破渾淪
呈色象劈開混沌失璿瓏圖於物外叅寥廓讓
與眉梢料始終試問出門奚合轍須知原屬閉
門工

其七

蕭然獨對一枯桐，辜負兒童鵲子風。
好舞單鎗無着傍，自伸十指已璚瓏。
全無臭味斯真澹，略帶殷勤可耐終。
匪是王良偏拘俗，王良原不是良工。

其八

無絃本是一枯桐，過耳皆如雨後風。
未免此中猶芥蒂，須知到死不璚瓏。
纖雲片翳磨他淨，朗月長空送我終。
懊殺從前閒日子，眉毛抖擻着人工。

其九

生來孤性嶧陽桐，歷盡冰霜傲盡風。
險作爨薪供燼滅，漫加徽軫藉璫璫。
時枯太極窺緣起，玩到無窮未有終。
賴得此翁頻喚醒，些兒心事付天工。

其十

仙家行舫帶絲桐，兩岸中流自在風。
月宇澄鮮天皎潔，冰壺清澈玉璫璫。
只緣灑灑無頭尾，欲效區區昧始終。
可是平生無底簞，弄丸未是學

人

其十一

幾時精舍枕疎桐和雨和煙幾葉風父子於中
商祕密圖書到此盡璿璣百千萬萬跟尋去一
二二三數至終遺落世間花鳥亭東塗西抹未
須工

其十二

半庭莎色上新桐紋趁雲痕韻趁風千劫雷眠
龍入定一城雞曉蝶璿璣閒將橫畫排長短時

模圓圈沒始終取次按摹看古本回空神筆更
誰工

其十三

槿條籬下學栽桐長日娟娟媚景風扇護中央
防儻忽囊攜衆妙貯瓊瓏隨身竿木逢場戲撒
手懸崖當念終百尺竿頭看進步是人工不是
人工

其十四

千金不惜購名桐撞破當街快此風擡我肩稜

真空濶趁人脚步不墮瓏有天有地寧無始無
死無生那有終舊譜鴛央休出乎另翻新
誰工

感懷

聞初字潛貞今茲莫復道倚門紛驕奢顧之悽
懷抱貞沉匪苦飢曰飢蒸以縞持筐俯梅實
俛改服早焉長負所親秋艸而同老

送友人

天寒木葉枯邂逅古蕭寺微微綠續息隱隱獨

自嬌英英睂額間
磊磊河山置落落
未致詞脉脉已含意

和卞子由韻

平生鮮兄弟
罄折爲結交
結交無因依
涼涼仍苦匏
狷狹愆亦積
索居而斗筭
苟逢鍾子期
視之以同胞
君子能爲漆
賤子能爲膠

陳無功垂訪不值更辱庖餽見枉口占志

謝時無功有嶺南之行再占以贈

爲尋黃葉菴頭渡
誤却陳郎問字船
怪我行厨

太蕭索筍魚入饌一時鮮

鐵骨稜稜不解貧半生湖海未逢人
天南今去千山路恰好梅花樹樹春

次韻避客

汗漫來尋此一丘望中冠蓋正由由
風驕蘆葦能催客雨暗夫容恰繫舟
座有盤飧邀共飲話餘燈火得同脩
滿船釣件垂明月誰許寒江獨上鉤

泚兒能詩却賦

慣是貧多事生兒又賦詩
未堪供客眼聊以慰
吾私每念有窮日仍疑無始時
青山應好在何
地許從師

和贈周仲純

早與人間了六經更從無始覓生生
心於靜後非無物眼爲斯文共有情
孤如瘦鶴欣相傍狎
盡浮鷗豈在名未許宣尼成浩歎
敢云千載得
中行

送曹拙逸入山

不詩

萬山孤寺出信宿白雲居流水牀頭至霜鐘石
上疎列仙高士傳招隱故入書明日同僧去前
村買竹輿